



EBAZPENA, IKASTETXE ETA PLANGINTZAREN ZUZENDARIARENA, ARTE PLASTIKOETAKO ETA DISEINUKO IRAKASKUNTZA PROFESIONALETAKO GOI-MAILAKO HEZIKETA-ZIKLOETAN 2024-2025 IKASTURTERAKO MATRIKULATZEKO PROZEDURA ARAUTZEN DUENA.

Hezkuntzari buruzko maiatzaren 3ko 2/2006 Lege Organikoak irakaskuntza artistiko profesionalen barruan sartzen ditu Arte Plastikoetako eta Diseinuko irakaskuntzak, eta berariazko prestakuntzako zikloetan antolatzen ditu. Ziklo horien xedea ikasleei kalitateko arte-prestakuntza ematea da eta arte plastiko eta diseinuko etorkizuneko profesionalen kualifikazio egokia bermatzea.

Maiatzaren 4ko 596/2007 Errege Dekretuak, arte plastikoetako eta diseinuko irakaskuntza profesionalen antolamendu orokorra ezartzen duenak, 5. artikuluan definitzen du arte plastikoetako eta diseinuko irakaskuntza profesionalen tituluen egitura, eta 13. artikuluan jasotzen du hezkuntza-administrazioek, beren eskumenen esparruan, Arte Plastikoetako eta Diseinuko irakaskuntza profesionalen titulu bakoitzari dagokion curriculumaz ezarriko dutela.

Aipatutako 13 artikuluan ezarritakoarekin bat etorriz, Euskal Autonomia Erkidegoan Arte Plastikoetako eta Diseinuko goi-mailako teknikari-titulua lortzeko irakaskuntzen curriculumak ezartzen dituzten hainbat dekretu argitaratu dira: Argazkigintzan tituluari dagokion apirilaren 29ko 69/2014 Dekretua; Komunikazio Grafiko Publizitarioan tituluari dagokion apirilaren 29ko 70/2014 Dekretua, Ilustrazio-tituluari dagokion apirilaren 29ko 70/2014 Dekretua, Animazioan tituluari dagokion apirilaren 29ko 72/2014 Dekretua, Dekorazio-Lanen Proiektuetan eta Zuzendaritzan tituluari dagokion azaroaren 30ko 237/2004 Dekretua eta Bitxigintza Artistikoan tituluari dagokion 25/2017 Dekretua.

Era berean, 596/2007 Errege Dekretuak, V. eta VI. kapituluetan, irakaskuntza horietan sartzeko eta onartzeko oinarriko baldintzak jasotzen ditu, baita ikasleak ebaluatzeko, mailaz igotzeko eta mugitzeko zenbait jarraibide ere, eta hezkuntza-administrazioei gordetzen die beren eskumen-eremuari dagozkion alderdiak garatzea.

Hain zuzen ere, Euskal Autonomia Erkidegoko ikastetxeetan Arte Plastikoetako eta Diseinuko arte-irakaskuntza profesionalak egiten dituzten ikasleen ebaluazio-, akreditazio akademiko- eta mugikortasun-prozesua arautzen duen urriaren 11ko 143/2016 Dekretuak, III. eta IV. Kapituluetan, zehazten ditu ikasleen jarraitutasunari, mailaz igotzeari eta matrikula baliogabetzeari buruzko betekizunak, bai eta ikasleen mugikortasunari buruzko alderdiak ere.

Bestalde, Hezkuntzari buruzko maiatzaren 3ko 2/2006 Lege Organikoaren 84. artikulua ezartzen duenez, hezkuntza-administrazioek arautuko dute ikastetxe publikoetan ikasleriaren onarpena, hezkuntzarako eskubidea: sarbidea berdintasun-baldintzetan eta ikastetxea aukeratzeko askatasuna bermatuz, zehaztutako plangintzaren esparruan.

2024ko apirilaren 5eko Ebazpenak, Ikastetxe eta Plangintzaren zuzendariarenak, Arte Plastikoetako eta Diseinuko irakaskuntza profesionaletako goi-mailako heziketa-zikloetara sartzeko probak arautzen dituenak eta ziklo horietara sartzeko 2024-2025 ikasturterako probetarako deialdia egiten duenak, Arte Plastikoetako eta Diseinuko irakaskuntza profesionaletako Goi-mailako Heziketa-zikloetan sartzeko eta onartzeko baldintzak ezartzen ditu.

Hezkuntzari buruzko maiatzaren 3ko 2/2006 Lege Organikoaren hogeita bosgarren xedapen





gehigarriak, gizonen eta emakumeen arteko berdintasun eraginkorra sustatzeari buruzkoak, xedatzen du, nolana ere, hezkuntza-administrazioek bultzatuko dutela emakumezko ikasleen presentzia areagotzea zientzien, teknologiaren, ingeniariaren, arteen eta matematikaren esparruko ikasketetan, bai eta emakumeek gutxien eskatzen dituzten lanbide-heziketako irakaskuntzetan ere. Era berean, ezartzen du hezkuntza-administrazioek gizonetzko ikasleen presentzia sustatuko dutela emakumeen matrikula gizonena baino handiagoa den ikasketetan.

Ikasle ofizialaren izaera matrikula-prozeduraren mende dagoenez –hori da ikasle izatea lortzeko tresna formala–, matrikula-prozedura horren garapen praktikoa nolakoa izan behar den zehaztu behar da.

Horregatik guztiagatik, honako hau

EBAZTEN DUT

Lehenengoa.- Xedea eta aplikazio eremua

1. Ebazpen honen xedea da 2024-2025 ikasturterako matrikulazio-prozedura arautzea Euskal Autonomia Erkidegoan hezkuntza-arloko eskumena duen sailaren mendeko ikastetxe publikoetan ematen diren Arte Plastikoetako eta Diseinuko irakaskuntza profesionaletako Goi-mailako Heziketa-zikloetan.

2. Funts publikoekin finantzatzen ez diren baina irakaskuntza horiek ematen dituzten ikastetxe pribatuei ebazpen honen bigarren xedapen gehigarrian adierazitakoa aplikatuko zaie.

Bigarrena.- Arte Plastikoetako eta Diseinuko irakaskuntza profesionaletako Goi-mailako Heziketa-zikloetara sartzeko baldintzak.

1. Arte Plastikoetako eta Diseinuko goi-mailako heziketa-zikloetara sartu ahal izango dira Batxilergoko titulua edo Lanbide Heziketako teknikari-titulua dutenak, baldin eta irakaskuntzak probetxuz egiteko beharrezkoak diren gaitasunak frogatzeko aukera emango duen proba bat gainditzen badute.

2. Halaber, baldintza akademikoak bete ez arren, hemeretzi urtetik gorako izangaiak irakaskuntza hauetako goi-mailako heziketa-zikloetara sartu ahal izango dira, baldin eta sarbide-proba gainditzen badute. Proba horrek, alde batetik, izango du zati orokor bat, Batxilergoko ikasgai komunaren oinarritzko ezagutza eta gaitasunei buruzkoa, eta, bestetik, zati espezifikoak, aurreko atalean aipatutakoa, hain zuzen.

3. 2024ko apirilaren 5eko Ebazpenak, Ikastetxe eta Plangintzaren zuzendariarenak, Arte Plastikoetako eta Diseinuko irakaskuntza profesionaletako goi-mailako heziketa-zikloetara sartzeko probak arautzen dituenak eta ziklo horietara sartzeko 2024-2025 ikasturterako probetarako deialdia egiten duenak, ziklo horietara sartzeko baldintza akademiko baliokideak zerrendatzen ditu, bai eta ikasketa horietarako sarbide-proba espezifikoetik salbustea ahalbidetzen duten inguruabarrak ere.

4. Era berean, Arte Plastikoetako eta Diseinuko teknikariaren titulua dutenek irakaskuntza hauetara sartu ahal izango dira, probarik gainditu beharrik gabe.



Hirugarrena.- Onarpen-prozesua lehenengo mailan sartu berri diren ikasleentzat.

1. Arte Plastikoetako eta Diseinuko irakaskuntza profesionaletako goi-mailako heziketa-zikloetara sartzeko probak arautzen dituen eta ziklo horietara sartzeko 2024-2025 ikasturterako probetarako deialdia egiten duen Ikastetxe eta Plangintzaren zuzendariaren 2024ko apirilaren 5eko Ebazpenaren seigarren artikulua xedatzen duen bezala, ikasle berriek, sartzeko berariazko proban izena ematearekin batera, egin nahi dituzten irakaskuntzei dagokien onarpen-eskabidea egin beharko dute, aipatu artikulua ezartzen duen moduan.

2. Eskaintako plazak onartzeko eta esleitzeko, berdintasun-, merezimendu- eta gaitasun-printzipioak bete beharko dira, eta aurreko paragrafoan aipatutako ebazpenaren hamahirugarren artikuluan ezarritakoari lotuko zaio.

3. Ikasle berriak onartzeko prozesuak bi aldi ditu: ohiko aldi bat eta ezohiko aldi bat.

IKASTETXEAN ONARPENA ESKATZEKO EPE-EGUTEGIA
OHIKO ALDIA
2024ko maiatzaren 1etik ekainaren 9ra, biak barne.
EZOHIKO ALDIA
2024ko ekainaren 17tik uztailaren 9ra, biak barne.

a) Ohiko aldia amaituta, Arte Plastikoetako eta Diseinuko lanbide-ikasketetako goi-mailako heziketa-zikloak ematen dituzten zentroetako batean plaza hutsak badaude irekiko da ezohiko onarpen-aldi hori.

b) Ezohiko aldian, kasuan kasuko irakaskuntzetan sartzeko baldintzak betetzen dituztela egiaztatzen duten pertsonak aurkeztu ahal izango dute onarpen-eskaera, esleipen-prozesuan parte hartu arren plazarik esleitu ez zaien eta horretarako eraturako itxaron-zerrendan dauden pertsonak barne.

Laugarrena.- Onarpen-eskabideak eta eransteko nahitaezko dokumentazioa aurkeztea.

1. Eskabideak telematikoki aurkeztuko dira hezkuntza-eskumenak dituen sailak horretarako prestatutako ikasgunea Interneteko atariaren bidez, kasu bakoitzean dagokion nahitaezko dokumentazioa erantsita. Atari horretara sartzeko, esteka hau erabili beharko da: <https://ikasgunea.euskadi.eus/eu>, Nortasun Agiri Nazionala (aurrerantzean, NAN), Atzeritarraren Identifikazio Zenbakia (aurrerantzean, AIZ) edo Hezkuntzaren Identifikazio Agiria (aurrerantzean, HIA) aldeztu erregistratuta.

2. NAN edo AIZ ez duten atzeritarrek HIA eskatu beharko dute sartu nahi duten zentroan. Erregistroa egin ondoren, aipatutako atariren bidez gauzatu ahal izango da eskaera.

Bosgarrena.- Onartutako eta onartu gabeko pertsonen behin-behineko eta behin betiko zerrendak.

1. Onarpen-prozesuari dagozkion behin-behineko eta behin betiko zerrendak ikasgunea Interneteko atarian kontsultatu ahal izango dira, <https://ikasgunea.euskadi.eus/eu>.



2. Prozesu honetan, pertsona honelakoa izan daiteke:

Onartua: lehen esleipenean plaza lortu du eta matrikula daiteke.

Ez da onartu: baldintzak betetzen ditu, baina, puntuazioaren arabera, ez du plazarik lortu lehen esleipenean, eta bigarren esleipenean parte hartuko du.

Baztertuta: ez ditu baldintzak betetzen (akademikoak, agiriak, ordainketak, etab.) eta prozesutik kanpo geratzen da. Baztertze hori arrazoituta agertuko da.

3. . Zerrenda horietan behin-behineko eta behin betiko onartuak eta ez onartuak agertuko dira, lehenetsun-hurrenkeran, ezarritako onarpen- eta esleipen-irizpideen arabera, eta parte hartzen duten kupoa adierazita. Onartu ez diren izangaiak dagozkien itxarote-zerrendak osatuko dituzte. Era berean, baztertutako pertsonak ikasgunea atarian kontsultatu ahal izango dute beren eskaeraren egoera, baita dagozkion baztertzeko arrazoia ere.

4. Aipatutako ikasgunea Interneteko atarian sartzerik ez badago, sartu nahi den ikastetxeko idazkaritzan kontsultatu ahal izango dira zerrendak, betiere jendaurreko ordutegiaren barruan.

5. Behin-behineko zerrenden aurka erreklamazioa aurkeztu ahal izango da Ikasgunea Interneteko atariaren bidez, horretarako ezarritako moduan eta epeetan.

6. Behin-behineko eta behin-betiko zerrendak argitaratzeko egutegia eta behin-behineko zerrendak erreklamatzeko epeak honako hauek izango dira:

ZERRENDAK ARGITARATZEKO EGUTEGIA ETA ERREKLAMAZIO-EPEAK	
EPE ARRUNTA	
Onartutako eta ez onartutako eskabideen behin-behineko zerrendak argitaratzea	2024ko ekainaren 11n, 11:00etan
Behin-behineko zerrenden aurkako erreklamazio epea	2024ko ekainaren 12tik 13ra
Onartutako eta ez onartutako eskabideen behin-betiko zerrendak argitaratzea	2024ko ekainaren 13an, 11:00etan
EZOHIKO EPEA	
Onartutako eta ez onartutako eskabideen behin-behineko zerrendak argitaratzea	2024ko uztailaren 11, 11:00etan
Behin-behineko zerrenden aurkako erreklamazio epea	2024ko uztailaren 12tik 14ra
Onartutako eta ez onartutako eskabideen behin-betiko zerrendak argitaratzea	2024ko uztailaren 15ean, 11:00etan

7. Behin betiko zerrenden aurka, errekurtsioa aurkeztu ahal izango zaio ikastetxea kokatuta dagoen Hezkuntzako lurralde-ordezkaritari, hilabeteko epean, argitaratu eta hurrengo egunetik aurrera zenbatzen hasita.

8. Hezkuntzako lurralde-ordezkararen ebazpena ikasleen matrikulazioa bermatuko duen epean eman beharko da, eta ebazpen horrek administrazio-bideari amaiera emango dio.

Seigarrena.- Matrikulazio-prozesua.

Matrikulazio-prozesua desberdina da lehen mailan hasi berri diren ikasleentzat eta lehengo ikasleentzat (errepikatzaileak edo hurrengo mailara igarotakoak).

1. Lehenengo mailan sartu berri diren ikasleak.

a) Matrikulazio-prozesuak bialdi ditu: ohiko aldi bat eta ezohiko aldi bat.

– Ohiko aldi bakarrik matrikulatu ahal izango dira onarpen-prozesuan parte hartu duten eta baztertuak izan ez diren ikasleak. Bi fase ezarriko dira:

i) Lehen fasea: fase horretan lehenengo aukeran plaza lortu duten pertsonak baino ez dira matrikulatuko.

ii) Bigarren fasea: fase horretan plaza lortu duten pertsonak matrikulatuko dira, esleitutako plazaren aukera edo lehentasuna edozein izanda ere. Era berean, lehenengo fasean hutsik geratzen diren plazak esleituko dira. Fase horretan matrikulatu ahal izango dira sartzeko baldintzak betetzen dituzten pertsonak, hau da, onarpen-prozesuan baztertuak izan ez direnak, baldin eta lehen fasean plaza bat esleitu ez bazaie eta itxaron-zerrendan badaude.

Fase bakoitzaren hasieran matrikulatzeko eskubidea duten pertsonen zerrenda sortuko da. Matrikula egiteko epea amaitu eta ez badute eskubidea erabili, galdu egingo dute, eta ezohiko aldi bakarrik matrikulatu ahal izango dira.

– Matrikulatzeko ezohiko aldia irekiko da, baldin eta, ohiko aldia amaituta, diseinuko goi-mailako arte-irakaskuntzetako espezialitatearen batean plaza hutsak badaude. Ezohiko aldi honetan parte hartu ahal izango dute sartzeko baldintzak egiaztatzen dituzten pertsona guztiek.

b) Matrikula formalizatzeko epeak honako hauek izango dira:

MATRIKULAZIO-EGUTEGIA- LEHEN KURTZOKO ETORRI BERRIAK		
Matrikulatzeko ohiko aldia	Lehen fasea	2024ko ekainaren 13tik 18ra, biak barne
	Bigarren fasea	2024ko ekainaren 20tik 21era, biak barne
Matrikulatzeko ezohiko aldia	2024ko uztailaren 15etik 17ra, biak barne Plaza hutsen kasuan, 2024ko uztailaren 18tik 19ra	

2. Ikasle beteranoak.

a) 2023-2024 ikasturtean matrikulatutako ikasleen iraunkortasuna eta sustapena urriaren 11ko 143/2016 Dekretuaren III kapituluaren ezarritakoaren mende egongo da (143/2016 Dekretua, Euskal Autonomia Erkidegoko ikastetxeetan Arte Plastikoetako eta Diseinuko arte-irakaskuntza profesionalak egiten dituzten ikasleen ebaluazio, akreditazio akademiko eta mugikortasun-prozesua arautzen duena).

b) Mailaz igo diren edo errepikatu duten ikasleek –2023-2024 ikasturtean ikastetxean matrikulatuta egon diren ikasleak– 2024ko uztailaren 1etik 15era bitartean, biak barne, egingo dute matrikula.



c) Aurretik ikastetxean matrikulatuta egon eta 2024-2025 ikasturtean ikasketei berriro ekin nahi dieten ikasleek uztailaren 1etik 15era bitartean, biak barne, aurkeztu beharko dute ikastetxeko idazkaritzan onarpen-eskaera, eta eskatzen den mailan plaza hutsak egoteko baldintzapean geratuko da onarpen hori. Ikasle horiek lehentasuna izango dute espediente-lekualdatzearen bidez onartzeko eskatzen dutenen aldera, eta iraileko lehen hamabostaldian formalizatuko dute matrikula, betiere ikastetxeak plaza libreak baditu.

Zazpigarrena.- Matrikula formalizatzea.

1. Deialdi berean izangai batek plaza bat baino gehiago lortzen baditu, matrikula bakarra egin ahal izango du.

2. Matrikula ikasgunea interneteko atarian egingo da, horretarako dagoen inprimakia betez. Matrikula egiten den ikastetxeko zuzendaritzak onarpen-eskabidean aurkeztutako kopiak alderatzeko eskatu ahal izango du, arrazoiak emanez. Horretarako, jatorrizko dokumentua edo informazioa aurkezteko eskatu ahal izango du.

3. Era berean, aurkeztutako eskabidean akatsen bat dagoela ikusiz gero, eskabidea zuzentzeko eskatuko zaio interesdunari, gehienez ere 10 eguneko epean, eta adieraziko zaio, hala egin ezean, eskaeran atzera egin duela ulertuko dela, Administrazio Publikoen Administrazio Prozedura Erkidearen urriaren 1eko 39/2015 Legearen 21. artikuluan aurreikusitako moduan ebazpena eman ondoren.

4. Onartutako pertsonak ebazpen honetan ezarritako epean matrikula ez badute gauzatzen, esleitutako plazari uko egiten diotela ulertuko da.

5. Ikastetxeek, nolana ere, onarpen-prozesuan parte hartzeko betebeharrak ez duten ikasleen matrikulazioa bermatu beharko dute, beharrezkotzat jotzen diren plaza-kopurua erreserbatuz.

Zortzigarrena.- Espediente-lekualdaketa.

1. Beste zentro batean egindako ikasketa partzialak dituzten ikasleek sartu nahi duten ikastetxeko idazkaritzan eskatu ahal izango dute lekualdaketa, 2024ko uztailaren 1etik 15era bitartean, biak barne.

2. Espedientea lekualdatzeko eskaerak onartu ahal izango dira, baldin eta, gainerako ikasleen matrikulazio-prozesua amaituta, ikastetxeak plaza libreak baditu eta izangaiek horretarako baldintzak betetzen baditu, Arte Plastikoetako eta Diseinuko irakaskuntza profesionalen antolamendu orokorra ezartzen duen maiatzaren 4ko 596/2007 Dekretuan, Arte Plastikoetako eta Diseinuko arte-irakaskuntza profesionalak Euskal Autonomia Erkidegoko ikastetxeetan egiten dituzten ikasleen ebaluazio-, egiaztapen akademikoa eta mugikortasuna arautzen dituen urriaren 11ko 143/2016 Dekretuan, eta horien arau-garapen gisa aplikatu daitezkeen gainerako xedapenetan ikasleen mugikortasunari buruz ezarritakoaren arabera.

3. Behin espediente-lekualdaketa onartuta, ikasleek iraileko lehen hamabostaldian gauzatuko dute matrikula, aurrez aurre, jendearen arretarako ordutegiaren barruan sartu nahi duten ikastetxeko idazkaritzan.

4. Ikasle horiek jatorrizko ikastetxean gainditutako ECTS kredituak aitortzeko eskubidea izango dute, Hezkuntzako sailburuordearen 2012ko irailaren 1eko Ebazpenean xedatutakoaren arabera. Ebazpen horrek Arte-irakaskuntzako Goi-mailako Teknikari-titularen eta Diseinuko Goi-mailako



ikasketen hainbat espezialitateren eta Goi-mailako Arte-irakaskuntzen arteko kredituak aitortzeko prozedura arautzen du.

Bederatzigarrena.- Matrikulak ematen dituen eskubideak.

1. Matrikula gauzatzeak irakaskuntzak osatzen dituzten prestakuntza-modulu bakoitzaren bi ebaluazio-deialdi egiteko eskubidea emango du, betiere ikasturte beraren barruan.

Hamargarrena.- Matrikula baliogabetzea.

1. Ikasketa hauetarako aurreikusitako deialdiak eta egonaldi-urteak ez agortzeko, matrikula ezeztatze eskaera aurkeztu ahal izango da ikastetxeko idazkaritzan, ikasturteko abendua amaitu baino lehen, eta ikastetxeko zuzendariari zuzenduko zaio, urriaren 11ko 143/2016 Dekretuaren 22. artikuluan ezarritakoaren arabera (143/2016 Dekretua, urriaren 11koa, Euskal Autonomia Erkidegoko Arte eta Diseinu ikasketak egiten dituzten ikasleen ebaluazio-, akreditazio akademiko eta mugikortasun-prozesua arautzen duena).

2. Urtarrilaren 1etik aurrera izapidetzen diren baliogabetze-eskaerak Ikastetxe eta Plangintzaren Zuzendaritzara bidali beharko dira, aztertu eta ebatzi ditzaten.

3. Eskaera horren aldeko ebazpena emango da, honako inguruabar hauetakoren bat egiaztatzen bada:

a) Ikaslearen gaixotasun luzea.

b) Prestakuntzan normaltasunez aritzea eragozten duen lanpostu batean hastea.

c) Prestakuntzan normaltasunez aritzea eragozten duten betebehar pertsonalak edo familiarrak.

d) Ikastetxeko Zuzendaritzak aurreikusitako aparteko beste inguruabar batzuk.

4. Matrikula baliogabetzen zaien ikasleek ez dute plaza erreserbatzeko eskubiderik izango.

a) Lehenengo ikasturteko matrikula ezeztatu badu, itzultzeko eskatu ahal izango du, baina orokorrean ezarritako onarpen-prozesuari lotuta egongo da.

b) Matrikula bigarren ikasturtean ezeztatu bada, hurrengo urteetan ikasketa berberetan matrikulatu ahal izango da, baldin eta plaza hutsak badaude.

5. Ikasleek justifikatu gabeko bertaratze-hutsegiteak behin eta berriz eginez gero, ikastetxeko zuzendaritzak matrikula ofizios baliogabetu ahal izango du, ikastetxeko Antolakuntza eta Jarduera Araudian ezarritakoaren arabera.

6. Matrikula behin bakarrik baliogabetu ahal izango da, eta horrek hasierako matrikularen ondorio akademikoak galtzea ekarriko du.

Hamaikagarrena.- Datu pertsonalen babesa.

1. Datuak Babesteko Erregelamendu Orokorrean eta Datu pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoan xedatutakoari jarraikiz, Euskal Autonomia Erkidegoko ikastetxe publikoetan diseinuko goi-mailako ikasketak egiteko



2024-2025 ikasturterako matrikulazio-prozedura kudeatzen duten organoek eskabideen bitartez lortutako datu pertsonalak erabiliko dituzte aipatutako prozedura antolatzeko.

2. Interesdunek datuak eskuratzeko, zuzentzeko, ezabatzeko eta transferitzeko eskubideak baliatu ahal izango dituzte, bai eta haien tratamendua mugatzeko edo aurka egiteko eskubideak ere. Horretarako, idatzizko jakinarazpena bidali beharko dute Hezkuntza Saileko Ikastetxe eta Plangintza Zuzendaritzara (Donostia kalea 1, 01010 Vitoria-Gasteiz).

3. Halaber, eskatzaileek baimena ematen diote Hezkuntza Sailburuordetzako Ikastetxe- eta Plangintza-Zuzendaritzari beste erakunde publiko batzuetan egiazta ditzan aurkeztutako dokumentuak.

Lehenengo xedapen gehigarria.- Ikasgunea interneteko atariaren bidez eskabideak aurkezteko laguntza.

1. Ikasgunea interneteko atariaren bidez izapideak betetzeko gorabeheraren bat edo zailtasunen bat duten pertsonak matrikula egin nahi duten ikastetxera joan ahal izango dira, jendeari arreta emateko ordutegiaren barruan, izapide horiek telematikoki behar bezala egiteko behar duten laguntza pertsonala edo materiala eman diezaieten.

Sistema telematikoaren ondoriozko arazoak edo zailtasunak izatearren egiten den edozein erreklamazio egin hala izateko, beharrezkoa da dagokion ikastetxeak egindako ziurtagiri bat aurkeztea, aipatutako zailtasunak konpontzeko pertsona hori ikastetxean epearen barruan bertaratu zela egiaztatzen duena.

Gorabehera horiek saihesteko, izapide telematiko horiek epearen amaierara ez atzeratzea gomendatzen da.

Bigarren xedapen gehigarria.- Diseinuko goi-mailako ikasketak ematen dituzten baina funts publikoekin finantzatzen ez diren ikastetxe pribatuen betebeharrak.

Arte Plastikoetako eta Diseinuko irakaskuntza profesionaletako Goi-mailako Heziketa-zikloak ematen dituzten baina funts publikok ez duten ikastetxe pribatuek eskaintako ikastaroei, plaza-kopuruari eta egindako matrikulei buruzko datuak sartuko dituzte, ezarritako moduan eta epean, Hezkuntza Sailak horretarako diseinatu duen aplikazio informatikoan. Datu horiek sartzeko epea 2024ko urriaren 15ean amaituko da.

Azken xedapenetatik lehenengoa.-Ondorioak.

Ebazpen honek Hezkuntza Sailaren web-orrian argitaratzen denetik aurrera izango dITU ondorioak. Web-orri horretan ikusgai egongo da, harik eta deitutako prozedura amaitu eta hura gauzatzearen ondoriozko errekurtsio-epeak igaro arte.

Azken xedapenetatik bigarrena.-Errekurtsioak.

Ebazpen honen aurka, gora jotzeko errekurtsioa aurkeztu ahal izango zaio Hezkuntzako sailburuordeari, hilabeteko epean, ebazpena Hezkuntza Sailaren webgunean argitaratu eta hurrengo egunetik aurrera.

Eugenio Jiménez Ibáñez
Ikastetxe eta Plangintzaren zuzendaria